

- SENAT -

Broj: 01-3-1/24

Sarajevo, 17. 10. 2024. godine

Z A P I S N I K**SA 1. TEMATSKE SJEDNICE SENATA****UNIVERZITETA U SARAJEVU ODRŽANE 17. 10. 2024. GODINE**

Prisutni/e članovi/ice Senata: prof. dr. Tarik Zaimović, rektor, prof. dr. Dženana Husremović, prof. dr. Benina Veledar, prof. dr. Naris Pojskić, naučni savjetnik, prof. dr. Kemal Durić, prof. dr. Dušanka Bošković i prof. dr. Arma Tanović Branković, prorektori/ice, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Meliha Bašić, prof. dr. Jasmin Velagić, prof. dr. Mustafa Hasani, prof. dr. Dina Bajraktarević Pajević (po ovlaštenju), prof. dr. Sead Turčalo, prof. dr. Ifet Mahmutović, prof. dr. Amel Kosovac, prof. dr. Arzija Pašalić, prof. dr. Elma Veljović (po ovlaštenju), prof. dr. Adnan Busuladžić (po ovlaštenju), prof. dr. Samir Dolarević, prof. dr. Mario Bernadić, prof. dr. Haris Lulić, prof. dr. Nermina Babić (po ovlaštenju), prof. mr. Đani Šehu (po ovlaštenju), prof. dr. Daniel Maleč, prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Sedin Kobašlija (po ovlaštenju), prof. dr. Besim Balić, prof. dr. Muhamed Smajlović, prof. dr. Adaleta Durmić-Pašić, dr. sc. Muamer Džananović, dr. sc. Aladin Husić, dr. sc. Sedad Bešlija, dr. sc. Erma Ramić-Kunić (po ovlaštenju), te predstavnici/e Udruženja Studentski parlament Univerziteta u Sarajevu: Imran Pašalić, predsjednik, Rijad Crvenjak i Husana Delalović (po ovlaštenju).

Odsutni/e: Hamdo Solo, MA, student-prorektor, prof. dr. Emir Tahirović, Ali Jusović, Ema Huseinčehajić, Ahmed Parić i predstavnik/ica studenata/ica ispred Vijeća Grupacije umjetnosti.

Sjednici prisustvuju: Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu i Alma Voloder-Madacki, viša stručna saradnica u Službi za pravne poslove u svojstvu zapisničarke.

Sjednica je počela u 13:00 sati.

Sjednicom je predsjedavao prof. dr. Tarik Zaimović, rektor Univerziteta u Sarajevu.

Utvrđeno je da od ukupno 46 članova/ica Senata, sjednici prisustvuje 40 članova/ica Senata sa pravom glasa, od toga 8 (osam) članova/ica sa ovlaštenjem koje se nalazi u dokumentaciji Senata.

Prije prelaska na usvajanje Dnevnog reda, za riječ se javila prof. dr. Dženana Husremović i predložila da se Dnevni red proširi sa novom tačkom 3 - *Prijedlozi vijeća članica Univerziteta u Sarajevu za proširenje Plana upisa studenata u prvu godinu drugog ciklusa studija na Univerzitetu u Sarajevu u akademskoj 2024/2025. godini.*

Prof. dr. Arzija Pašalić je predložila da se Dnevni red proširi sa novom tačkom 4 - *Izrada metodologije načina plaćanja rada preko optimalne nastavne norme iz budžetskih sredstava (izvora 10) izabranog akademskog osoblja, koje je angažirano radi realizacije nastavnog procesa na više članica Univerziteta u Sarajevu.*

Prof. dr. Daniel Maleč je predložio da se pod tačkom *Informacije* prodiskutuje o problematici pribavljanja CIP zapisa koji izdaje Nacionalna i univerzitetska biblioteka Bosne i Hercegovine za univerzitetska izdanja.

Uz predloženu dopunu, jednoglasno je usvoje slijedeći

D N E V N I R E D:

1. Prijedlog kriterija za raspodjelu dodatnih sredstava u Budžetu Univerziteta u Sarajevu za 2025. godinu
2. Utvrđivanje Tabele 12 (Dodatna budžetska sredstva) sa esencijalnim potrebama članica Univerziteta u Sarajevu za 2025. godinu
3. Prijedlozi vijeća članica Univerziteta u Sarajevu za proširenje Plana upisa studenata u prvu godinu drugog ciklusa studija na Univerzitetu u Sarajevu u akademskoj 2024/2025. godini
4. Izrada metodologije načina plaćanja rada preko optimalne nastavne norme iz budžetskih sredstava (izvora 10) izabranog akademskog osoblja, koje je angažirano radi realizacije nastavnog procesa na više članica Univerziteta u Sarajevu
5. Informacije.

T O K S J E D N I C E:

Ad-1.

Prof. dr. Tarik Zaimović informirao je članice i članove Senata da su u svrhu pripreme prednacrtu Budžeta Kantona Sarajevo za 2025. godinu u dijelu Univerziteta u Sarajevu u Vladi Kantona Sarajevo 30. septembra 2024. godine održane budžetske konsultacije, te da su istom

prisustvovali imenovani predstavnici vijeća grupacija nauka/umjetnosti u skladu sa Zaključkom Senata Univerziteta u Sarajevu broj: 01-15-41/24 od 25. 09. 2024. godine. Na osnovu analize ranije dostavljenih zahtjeva, a nakon održanih budžetskih konsultacija, Služba za plan i analizu Univerziteta u Sarajevu, pripremila je tabelu potreba za dodatnim sredstvima razvrstanu po članicama Univerziteta u Sarajevu., kao i zaključak koji se odnosi na prijedlog kriterija za raspodjelu dodatnih sredstava u Budžetu Univerziteta u Sarajevu za 2025. godinu

S tim u vezi prof. dr. Tarik Zaimović je otvorio diskusiju.

U diskusiji su učestvovali: prof. dr. Haris Lulić, prof. dr. Sead Turčalo, prof. dr. Adnan Busuladžić, prof. dr. Tarik Zaimović, prof. dr. Nusret Drešković, prof. dr. Ifet Mahmutović, prof. dr. Muhamed Brka, prof. dr. Arzija Pašalić, prof. dr. Daniel Maleč, gosp. Imran Pašalić, prof. mr. Faruk Lončarević, prof. dr. Jasmin Velagić i prof. dr. Samir Dolarević.

U skladu sa sugestijama i prijedlozima iznesenim u toku diskusije, **jednoglasno je donesen slijedeći**

ZAKLJUČAK

1. Utvrđuje se prijedlog kriterija za raspodjelu dodatnih sredstava u Budžetu Univerziteta u Sarajevu za 2025. godinu, kako je navedeno u Tabeli 12 (Dodatna budžetska sredstva članica Univerziteta u Sarajevu za 2025. godinu), kako slijedi:
 - bruto plata i doprinosi poslodavca,
 - naknade troškova zaposlenih (naknade za topli obrok, naknade u slučaju smrti i teže invalidnosti, naknade za regres za godišnji odmor, otpremnine zbog odlazaka u penziju),
 - materijalni troškovi (izdaci za energiju, komunalne usluge, materijal i sitan inventar i tekuće održavanje) i
 - ugovorene usluge.
2. Kriteriji iz tačke 1. ovog Zaključka predstavljaju esencijalne potrebe članica Univerziteta u Sarajevu za 2025. godinu, ali u cijelosti ne obuhvataju provedbu odredbi, odnosno prava utvrđenih članom 26. Zakona o visokom obrazovanju („Službene novine Kantona Sarajevo“, broj 36/22) i odredbi važećeg Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24), (*npr. opreme koja omogućava obavljanje registrovane djelatnosti, prava na naknadu za rad preko optimalne nastavne norme i dr.*).
3. Oslonom na utvrđene kriterije iz tačke 1. ovog Zaključka obavezuje se prorektorica za finansije, imenovani predstavnici vijeća grupacija nauka/umjetnosti Univerziteta u Sarajevu i resorne službe Rektorata Univerziteta u Sarajevu da na osnovu dostavljenih prijedloga članica prirede prijedlog raspodjele dodatnih sredstava po ekonomskim kodovima iz Budžeta Kantona Sarajevo za 2025. godinu i dostave Univerzitetu u Sarajevu do petka 18. oktobra 2024. godine.

4. Ovaj Zaključak dostavlja se Upravnom odboru Univerziteta u Sarajevu na dalje postupanje.

Kao i slijedeći

Z A K L J U Č A K

1. Senat Univerziteta u Sarajevu utvrđuje *prijedlog Tabele 12*, koja se odnosi na dodatna budžetska sredstva sa esencijalnim potrebama članica Univerziteta u Sarajevu za 2025. godinu.
2. Senat Univerziteta u Sarajevu ostaje pri stavu da Tabela 12, dostavljena uz Zahtjev za Budžet Univerziteta u Sarajevu za 2025. godinu, predstavlja realne potrebe članica Univerziteta u Sarajevu u skladu sa Zakonom o visokom obrazovanju („Službene novine Kantona Sarajevo“, broj 36/22) i Kolektivnim ugovorom za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24).
3. Senat Univerziteta u Sarajevu konstatira da je u Budžetu Univerziteta u Sarajevo za 2025. godinu potrebno obezbjediti dodatna novčana sredstva za pokriće troškova poreza na dodatu vrijednost (PDV-a) za potrebe izgradnje Biblioteke Univerziteta u Sarajevu.
4. Ovaj Zaključak dostavlja se Upravnom odboru Univerziteta u Sarajevu na dalje postupanje.

Prof. dr. Tarik Zaimović je konstatirao da su u skladu sa donesenim zaključcima realizirane tačke 1. i 2. Dnevnog reda.

Ad-3.

Nakon uvodnog obraćanja prof. dr. Dženane Husremović, **jednoglasno je donesena slijedeća Odluka:**

- Daje se saglasnost na zahtjeve članica Univerziteta u Sarajevu za proširenje Plana upisa studenata u prvu godinu drugog ciklusa studija na Univerzitetu u Sarajevu u akademskoj 2024/2025. godini i dostavljaju se Ministarstvu za nauku, visoko obrazovanje i mlade Kantona Sarajevo na dalje postupanje, kako slijedi:
 - Akademija likovnih umjetnosti: Studijski program *Nastavnički* – 2 kandidata u statusu redovan samofinansirajući;
 - Arhitektonski fakultet: Studijski program *Arhitektura i urbanizam* – 4 kandidata u statusu redovan samofinansirajući;
 - Elektrotehnički fakultet: *Odsjek za računarstvo i informatika* - 8 kandidata u statusu redovan koji se finansiraju iz sredstava osnivača Kantona Sarajevo.

Ad-4.

Shodno donesenom Zaključku Senata Univerziteta u Sarajevu od 25. 09. 2024. godine, kojim je Senat Univerziteta u Sarajevu podržao Inicijativu Vijeća Grupacije medicinskih nauka za rješavanje pitanja plaćanja rada preko optimalne nastavne norme iz budžetskih sredstava (izvora 10) izabranog akademskog osoblja, koje je angažirano radi realizacije nastavnog procesa na više članica Univerziteta u Sarajevu, **jednoglasno je donesen slijedeći Zaključak:**

- Komisiju za izradu metodologije načina plaćanja rada preko optimalne nastavne norme iz budžetskih sredstava (izvora 10) izabranog akademskog osoblja, koje je angažirano radi realizacije nastavnog procesa na više članica Univerziteta u Sarajevu, će činiti: prorektorica za finansije, predstavnici vijeća grupacija nauka/umjetnosti i predstavnik/ici stručnih službi Rektorata Univerziteta u Sarajevu.
U cilju realizacije predmetnog zaključka, zadužuju se vijeća grupacija nauka/umjetnosti da na predstojećim sjednicama predlože po jednog člana Komisije ispred vijeća grupacije nauka/umjetnosti.

Ad-5.

Prof. dr. Daniel Maleč informirao članice i članove Senata o problemima pribavljanja CIP zapisa koji izdaje Nacionalna i univerzitetska biblioteka Bosne i Hercegovine za univerzitetska izdanja.

S tim u vezi prof. dr. Tarik Zaimović je istakao da će se u vezi sa ovom problematikom, u kratkom vremenskom periodu, pribaviti pisani odgovor Nacionalne i univerzitetske biblioteke Bosne i Hercegovine, koji će biti dostavljen članicama Univerziteta u Sarajevu.

Sjednica je završena u 14:20 sati.

R E K T O R

Prof. dr. Tarik Zaimović, s.r.

Zapisničarka:

Alma Voloder-Madacki, dipl.iur. s.r.